

書昆明集

九華山顧子長治英朗雅素為三吳高士  
如游兩都詞林聞人共樂與之余嘗評其  
有言集在孟襄陽韋蘇州之間及覽茲集  
則益徵其盡出開元標格大曆情性信名  
家也不然者何有贅於臺閣如今之介溪  
嚴公龍湖張公悉與倡訓寄贈載之集觀  
子之才之志且未遇若此則知否之有泰



命之有時豈不謀哉比讀皇甫公文嘉子  
遠游况以子長明遠亦一時憐才之同嘆  
乎延陵詣國賢豪風靡顧陸入洛南金比  
重余老矣真吳分域於中奮飛無翼安得  
与子並游昆明一咏茲集也目感子之興  
力疾為書以訓千里之好云

嘉靖乙卯歲三月望日升菴楊慎書

昆明集序

長洲皇甫汈子循甫著

毘陵九華顧子黷跡世家委情藝苑尤閑  
於詩謝六朝之浮豔振三唐之沉響為里  
中華學士王職方所歎賞早游兩都復為  
上公所推乃乞官選朞辭燕甸遵魯墟達  
淮徐入閩越浮湘漢歷牂牁遙臻於滇朝  
躋太華夕汎昆池翩翩然不為吏局所染

探奇以紆藻績叅戎而備記室子長明達  
頗同槩矣故其言不獨清新俊逸而興寄  
幽曠動合風雅寧不可方軌名家也耶逮  
攝縣事有佳政滇人德之曰梓之縣齋名  
曰昆明集請升菴太史為之序余更為評  
定以傳同好云

嘉靖乙卯孟春吉日書于五華精舍

昆明集卷之上

句吳顧起綸 著

成都楊慎 編選

長洲皇甫汈 評點

白雲堂雷別王僉憲仲丈

寂寂空堂枕翠微與君惜別對寒暉樽中綠酒  
傾須滿匣裏清琴聽者稀萬里孤懷無鴈寄五  
湖涇口有漁磯遠達暫謝滄洲叟惆悵關河暮

雪飛

皇甫云似  
雪文房

同詠

王問

天涯萬里故人稀  
執手林堂送落暉  
此地松杉聊對酒  
明朝風露欲侵衣  
籌邊諸葛遺標石  
抗節嚴陵有釣磯  
君到南中幾回首  
白雲常護碧山扉

南塘別施武陵諸親友

嗟余行萬里  
何如守一丘  
抱關稱隱吏  
仗劍事遨遊  
古驛喧鼙鼓  
寒鐙照鷓樓  
與君畱別去  
雲水總悠悠

皇甫云  
悽而悅

訓前

施漸

南軍萬里外  
暫借孔璋行  
才子轅門重  
文章幕府清  
青鐙雨後別  
繡服雪中程  
君去逢春早  
山城日聽鶯

同前

王問

城邊日出曉  
裝成送子昆  
明萬里行  
蒼洱峯前  
無鴈度  
碧雞關外  
有猿聲  
滇池半是黔  
秦國銅柱  
高標漢騎  
營欲建勳名  
須絕域  
渡瀘休起故園情

同前

顧可久

愛爾翩翩遠遊興書記還同阮瑀名長途須蟻  
幾綱屐洱海昆池知眼清

南征

悔棄梁溪隱翻爲幕府郎一身依北極萬里向  
南荒綠綺烏皮囊雕弧鹿角床相攜滿行舫詎  
厭畏途長

訓華學士見寄巖居集作

學士碧山裏巖居經幾年從捐北門印自課東

臯田把帙夜然竹翠微生白煙茂陵時謝病到

處索新編皇甫云  
佳語

和

華察

悵望青門路蹉跎白髮年君方事行役吾已賦  
歸田仗劔衝殘雪停驂候夕煙山川萬餘里日  
爲遲瑤編

胥門夜別親友

悵望胥江門駕言適滇國胡不懷丘園事茲違  
行役慷慨拔劔歌臨觴話終夕荒原微霰寒握

手慘離色所嗟萬里餘  
何因訊眠食爲別各辛  
酸相看此情塞

過吳江平望

江驛臨平望漁洲帶石梁  
風吹闔廬棹晚泊會稽  
鄉水國惟聞雁寒原但  
植桑前程多岐路何處  
是康莊

嘉興訪談侍郎與沃洲呂光祿偶集

休沐秀州里林堂坐閒敞  
偶然光祿至論詩共延  
賞置酒散華纓徵歌發  
清響幸接佳夕歡留

連滯孤鞍

寒日承錢唐高刺史招遊  
勝果寺與周進士歷覽  
諸峯畱贈住僧

曲磴中峯入石門聞異香  
鷺林空院叙鳳嶺故墟

荒山有鳳皇嶺即宋御教場故墟也江靜寒潮白山深宿霧

黃鶴同玄度至一嘯遁公房

曉出錢唐憇萬松嶺振衣亭因赴高刺史

之招

曉出錢唐門平湖散寒霧  
高刹列諸峰喬林鬱

叢塢轉入南山深行向松門路偶憇亭間振  
衣釋塵務言赴幽人期還隨白雲度

皇甫云  
謝體

同高周二子憇半山祠折梅對酌作

脩竹暗原麓荒祠石逕迴客來青嶂曲犬吠白  
雲隈江暝見初月山陽發早梅南枝已堪折聊

此一傳杯

皇甫云觸景  
得句自別

臘日宿浙江驛舟次

臘夕宿洲上水窓寒月清城樓亂峰影驛鼓雜  
江聲吳越中流斷東西兩浙平遠遊隨所適獨

卧暢幽情

夜宿錢唐江寄懷寧波萬居士鹿園紹興

陳山人鳴野

縹渺煙波散落曛寒潮稍稍夜深聞錢唐廢寺  
空林裏越望奇峰別浦分居士定隨諸佛舍

公萬

精於禪理多  
舍佛氏因云

山人祇卧隔江雲相思幽寂無從

寄目斷霜天鴻鴈羣

皇甫云大  
曆餘響

舟宿會江寄懷都下大哥

向夕千峯生紫煙山城孤月會江邊沙間月色

明如許憲下寒流清可憐  
一關河梅已發時  
時書記鴈難傳相思此夜頭  
顛白藝苑何人薦  
惠連

桐廬月夜獨步作

澗道鳴鏡入千峯  
抱縣廬江門濤作障  
城市石爲墟  
月白空山寂  
天寒古木疎  
郵亭羣動息  
獨步旅情紓

桐江進艇

進艇桐城曲  
泠泠碧水喧  
羣峯出飛磴  
絕澗下

高原解纜涉清瀨  
揚帆渡蒼源  
平生愛奇眺  
聊此駐行軒

江行卽事

千里別鄉國  
暮游吳越間  
江行多綠水  
岸上盡青山  
嵐氣侵衣濕  
鷗心對客閒  
昔賢垂釣處  
濯耳聽潺湲

暮過富春山

寒月上東嶺  
孤舟度澗西  
山高天影小  
風寂水聲低  
行去若無路  
到來還有谿  
倘逢漁者問  
應

使漢人迷

皇甫云唐人未道之語

嚴州夜行

杳杳向前棹冥冥失去鴻孤蹤殘臘後獨跳異鄉中夕靄川光白寒山野燒紅逢人時問渡初月下高桐

嚴先生祠

嚴陵古道夕陽邊想見先生坐儼然抗節昔從東漢隱身前原是客星賢廟下寒潭多水鳥山深喬木少人煙但向富春逢釣侶何須方外訪

林泉

七里灘

嚴公樓隱地煙水杳難尋萬壑灘聲轉千巖夕照沉石橫行棹緩雲起隔溪深清瀨空垂釣羨魚非素心

皇甫云幽人之辭

鷓鴣潭

鳥道逼青霄江潭深且廣高纜滯行舟攀蘿到緣上鏡吹當空發冷冷四山響巖下碧影寒波光落西爽嵐氣生煙霧依依共孤往回眺愜幽

寂倫然結遐想

蘭谿涉淺

寒瀨瀉采石磷磷見碧蘚輕舟蕩其間僕夫涉  
清淺凌晨霜氣吹尤憐手足跣值茲谿澗涸歲  
晏策孤蹇

登龍游金担巖

帆向沙邊落山隨郭外斜赤崖橫碧衆金洞宿  
青霞谷口逢樵渡溪頭列碓槎悠悠白雲裏疑  
是隔仙家

衢州道中

歲暮客游越途中正寂寥林深風瑟瑟谿合水  
刀刀人渡鳥羣舉舟移山影搖平生孤往興到  
處不須招

客思

日暮天涯寄此身南塘少別幾經旬望中深樹  
但聞鳥行盡空山不見人上國雲霞時入夢故  
園梅柳早知春江寒潮落雙魚沒何處緘題慰  
所親

西安山行

路入西安去山隨翠蓋飛灘聲間鼓吹松色上  
旌旗越國江行盡洪都雁到稀薄游非不愜無  
奈憶庭闈

石塘渡

遠塘幽路深日夕起層陰山柏擣泉石巖耕種  
橘林渡喧爭去馬鸞語雜鳴禽卽事觀殊俗車  
中時一吟

夜行口號

山城遠戍候行車野燒連宵晝不如漸向城闈  
鉦吹發官齋然燭省文書

常山曉發

古縣亂山裏中宵客卧驚一身千里夢百舌五  
更聲柳浪時催臘松峯曉帶晴越中春意早冉  
冉歲華侵

皇甫云  
感慨

草萍驛小憇將訪南昌萬大叅

悠悠客路幾千里夕宿晨征信所如西越山川  
此地盡南昌舟楫下江初寒梅落雪春偏早官

柳舒煙歲欲除且命稽生千里駕滄波寂寞獨  
慚予

玉山道中

鬱鬱蒼山路蕭蕭藜竹鳴林間伐薪響鳥外弄  
春聲客遠歲云邁村深寒意輕車前層障合疑  
向鏡中行

贈玉山孫茂宰

夫君宰懷玉幾度崙溪春百谷流清漲千家擣  
碧筠庭花覆堂候山翠壓城闔還聞政成日更

覺斯民親

憇崙溪官亭

到處暗松杉山程晚翠深停舟憇官舍對酒聽  
春禽但有煙霞賞因無軒冕心客游塵事寡愜  
意一幽尋

宿廣信院中

空堂華燭朗棘院秀峯迴解帶傾茶盞懸孤傍  
印臺深更閉廳事殘月入窗來明發候行色官  
亭車馬催

過故相夏公宅有感

故相豪華里樓臺雨露繁再登黃閣座空負白

鷗園

公休沐名園也

九天投尺疏

乙巳秋

聖節公

之句因感

上召起復相云

一死答

深恩門下應多客何

人舊誼存

攬照

萬里狗微祿輕車度漢關忽然生白髮已悔出  
青山抱甕身甘瘁忘機心自閒一眺昆明眼何  
妨解組還

葛溪春望

獨立蒼峯望轉迷空原積石礙丹梯蕭蕭斑馬  
乘春去樹樹繁禽着意啼楚國山連巴檄外葛  
溪漲下劔江西迢迢客次逢殘臘愁見河橋柳  
色齊

響水灘寓懷

響水灘頭路惟容一憶過嶇嶇山塍側磊磊石  
林多去國常羈旅入關空揣摩平生未聞道青  
歲總蹉跎

江亭寓目

亭午一停驂，征車復指南。  
濠梁通市井，嵐樹瀉江潭。  
春靜山禽噉，晴暄野草翻。  
平生寡所慕，惟有賞心貪。

貴溪道中逢屠君赴  
召北上，煩寄一信  
達都偶成口占

萬里征車南北分，逢君馬上致慇懃。  
南宮一別庭闈遠，日陟青山望白雲。

皇甫云灑然

迎春日曉出安仁城東渡溪作

青郊結綺候芳春，五夜絃歌賽歲神。  
一片城頭殘月白，千峯曙色早霞新。  
溪流初漲堪移棹，沙鳥羣呼不避人。  
江上定逢西道主，時欲訪楓潭公也樽莫負百年身。

過進賢訪萬先生時謝病不出以書見枉  
聊此答之

少小客都下，蹉跎入仕年。  
懸知執戟賤，羞見考槃賢。  
遇合理非偶，乖違事亦然。  
賜閒當感激，能使聖明憐。

訪楓潭萬大參三首

微雨浥春曉清塵寒不飛遠尋江驛路言訪使  
君扉中野風煙別空原草木腓客行經歲暮微  
外欲相依

千里故人宅入門猶到家升堂見顏色把酒問

年華寶蠟時生采金魚夜吐花芸房初下榻梅

影宿窻紗時公新居設  
繪帳雷榻

江外七十里扶風此卜居亭中新注算潭上舊

藏書秀里榮芝草公庭間  
會產芝高門候駟車還聞百

巒鎮宣檄待相如皇甫云  
並佳

過臨江太平觀

吳鵬

殿鎖金經秘泉流玉井寒山屏橫鶴翮蛛網絡  
雲冠洞可飡霞坐碑從拂蘚看應知靜者妙何  
自出風湍

旅次有懷吳司馬公偶讀壁間高作用韻

奉寄

晉殿青霞暗唐碑碧蘚寒古楓巢白鴿荒院訪  
黃冠道氣時遐想玄言幸卽看久知虛境裏性

海本無滯皇甫云起  
卽工麗

### 除目憇板陂

攬衣登板陂四眺碧山陲  
霽色林中秀春聲鳥外奇  
悠悠客無賴悵悵欲何之  
歲晏行蹤絕還

趨相國期

都下承嚴相公有  
分宜守歲之約

除夕宿分宜院中承友人袁玉岡趙東谷

### 移酌守歲

客裏逢除夕天涯對故人  
停車勞問訊載酒慰交親  
華館此信宿明鐙達早春  
朝來江驛路共

### 惜柳條新

元旦與趙茂宰登鈴岡因懷嚴相公

初旦試登臨鈴岡幾許深  
空亭瞰蒼谷曲磴暗叢林  
石洞春含霧松門日帶陰  
名賢遊覽地曾

此寄幽吟

皇甫  
云雅

### 登延恩閣

嚴公賜閣晝輝煌寶額璇  
書錦繡芳二水合流迴碧  
漢七峯飛翠積鈴岡丹臺  
時借雲霞色朱戶偏多月  
光聖代元臣沐地年年開

徑待宜陽

元日赴嚴相公宅宴與趙茂宰袁秀才易

解元張進士席上作

鼎府敞華宴臨觴薦五辛  
同叨幕下彥高會里  
中親燈火星辰夜笙歌羅綺春  
遙知西禁直

此日沐恩新

宜春詣嚴相公 賜第

宜春 賜第倍繁華錦障紅亭翠幌遮  
慙老園多千歲鹿懸車  
堂外萬株花香堦鳳尾翻靈草

翰閣龍文護 袞紗自築令公庭  
館後稷今寓

直玉皇家

酬宜春袁太守見訪

春臺一雨百花繁  
才子初乘露冕尊  
辭賦郡中聞小謝  
衣冠海內說諸袁  
征驂暫憩官齋外  
傾蓋相過古道存  
尚論當時披褐者  
與君同欲訪夷門

長沙道中逢曹給事兼寄秦給事

持節昆明四牡還  
使君隔歲出黔關  
索山何處

崎嶇路瀟水幾重煙瘴間萬里湘江南北度十  
年燕市別離顏仙郎比舍應垂問爲報相思鬢  
欲斑

醴陵院中曉起阻雪

客卧空齋冷微微高牖明林間春霰響院外曙  
雞鳴攬鏡佩長劍開門滅短檠猶憐僕夫苦暫  
此息塵纓

雪霽曉發

出郭已聞雞溪山四眺迷天光下蕪沒雪色散

高低脩竹覆蓬巷輕車避棘蹊還憐執御者危  
壑香難躋

過長沙關山

鬱鬱高陵道驅車入楚關千尋暗喬木萬轉合  
蒼山雲霧春來黑莓苔雪後斑應多豺虎穴日  
暮不須攀

長沙逢陸子芝夜酌

迢遞清湘曲逢人問陸雲才名吳下著政事郢  
中聞枉駕雪初合銜杯夜已分天涯見知己惜

別共殷勤

元夕益陽

千家燈火益陽城五夜喧闐鐘鼓聲綺陌金蓮  
開寶樹都人引照驛車行

元夕龍陽院中然燭煮藥燈下臥病不赴

安明府之招走筆酬之

華月閉深院雪消春夜暄移來銀漢樹縣出綺  
霞翻煮藥然黃竹消魔鎖赤猿佳招不可赴想  
對故人言

桃源對月有懷蔣戶部維中

行到桃源路幾千鄉書那得鴈來傳憶君畱劍  
中宵別又見空山寒月圓

寄懷訪樵山居

谿西自築一精廬深閉衡門草不除山中青眼  
堪傲世窻下白頭還讀書

宿雙松下

亭前二松千丈高赤鶴青鸚遍結巢夜深啾啾  
悲啼歇天畔微風響翠濤

秦人洞

一入桃源口青谿遍白雲橋門喧淨瀨洞府暗  
靈氛真境人忘姓深山石作羣悔教樵客到浪  
說世間聞

桃川即事

亂石縱橫溪口迴峯倒壓車前道士清齋候客  
山厨亭午炊煙

岸岸青山疊疊村村流水潺潺不見桃花洞口

恍聞雞犬雲間

飛磴丹崖曲曲鳴榔碧壑呀呀白馬渡頭策馬

桃花源裏尋花

仙境香雲晝靜經壇花雨春深楚客到來問訊  
秦人何處招尋

登蘇黃渡山觀

曲磴臨仙渡荒臺抱石林春流千澗合霧草四  
山深花宇開玄象香龕對素心偶逢清梵侶息  
駕一登臨

清溪渡

清溪雨後碧山明，渡口泠泠絕澗聲。谷鳥怯啼如漢語，嶺梅零落故園情。沅陵客過無鴻鴈，楚國春來幾日晴。萬壑千溪煙瘴裏，朝朝何事向南征。

皇甫云典寄悠然

馬鞍山卽事

春雨遍開紅樹春，雲隔斷青山。一棹纔登彼岸，雙旌已度前關。馬踏鞍山，休度烏飛，蘿磴難過惡。說沅陵路險，祇愁楚雨春多。

澗底磷磷滾石峯，頭片片凝煙負板春。溪磴滑采砂陰，鏗鏗然。昔人以鏗縣額上探穴采砂，皇甫云宛見羈旅之情。

宿馬底驛

孟春惟日雨，草色遍天涯。溪水流急，雲深馬到遲。路緣林壑杪，山向驛門陞。孤客千峯裏，何人慰所思。

辰州春望

千家城郭繞層樓，樓外氤氳雨氣浮。萬疊女牆懸澗道，七盤鳶磴挂峯頭。花深幽谷時禽響，樹

杪春江雪漲流借問夜郎何處路五溪煙瘴使

人愁

皇甫云  
結尤佳

酬徐太守吾丈惠河清

空齋忽枉白朮來花裏焚香碧瓮開不是當年  
賢太守陶潛空覆掌中杯

辰溪鐘鼓洞

山院辰溪曲春流深復清石鐘懸洞壑天鼓震  
層城滿谷龍鼉吼中宵風雨鳴因探靜者妙靈  
籟自虛生

中河道中

一雨孟春月楚天何日晴往往憑高望時時傍  
險行風泉百谷響雲樹萬峯平但喜溪蠻靖征  
途角鼓清

過沅州呈屠司馬公

牙旗角鼓擁長纓三鎮遙連司馬營徼外但聞  
諸葛姓炎方惟識伏波名霜風嶺嶠消炎瘴春  
雨沅江洗甲兵此日五溪通漢檄軍門書記百  
蠻平

羅舊驛寄懷萬大恭公

悠悠客路白雲中行過青山幾萬重遙憶故人  
空悵望相思欲寄鴈難逢

次平溪高秀才山樓簡思石道龍僉憲

獨坐高樓望欲迷冷冷碧漲下平溪野花一樹  
當窻發時鳥千家隔嶂啼城頭迴庠防春雨谷  
口連舫渡澗溪此地幸逢龍節度憐余孤往夜

郎西

客次懷錢進士八丈讀書東河喜與王僉

憲仲丈比舍偶得鄰字

錢起譚文館王維喜卜鄰相過啜茗話

二丈俱不飲

應念度瀘身窓淨松陰夕池深杏雨春  
嬾子從游日芝蘭幸可親

曉發清浪喜晴

城郭四山起日高猶帶陰水流清浪淺雲宿翠  
微深白堡標黃纛青林噪赤禽憑車晴望迴春

思發孤吟

鎮遠院中酬何總兵

天畔開仙院峯頭作女墻幾家臨碧水兩岸植  
青檀猿影挂巖薄溪苗采澗芳將軍多暇興招  
客對清觴

龍里有感

山曙薄春陰輕車發龍里宿雨林臯滋村村遍  
桃李青陽忽已半白髮一莖委馳驅萬里游  
憔悴向西洱峻嶒九溪路煙瘴萬峯裏仰盼青  
天窄俯瞰白雲起絕巘峭空析澗下涉流水揚  
金辟狼虎避石逗榛枳羊腸逐馬蹄行踏破鐵  
屐

世路苟如此非余爲貧仕緬懷抱關人何如漢  
陰氏

疊水

日出千峯生白煙遙聞瀑布瀉中天丹崖疊雪  
銀虹駕貝海奔濤碧漢懸潭底毒龍噓瘴癘山  
空猛虎嘯風泉停車似向匡廬路只少東林僧

客眠

皇甫云結  
更超脫

盤江

輕車萬里貴陽來倒馬關前瘴癘開青草箐深

連雨漲黑沙潭淨見雲隈千盤恠峽雷霆闐一  
線猿梯嶺嶠廻過客窮攀休極目南中那得鴈  
書回

普安道中

陡壑架石梁下路暗芳樹驟聞春流響死然送  
風雨久徑生繁香花深聞杜宇牽車上絕嶺言  
念僕夫苦山堡具餼食避炎坐卓午獸聽時禽  
鳴陶然酌村醕

月潭寺

皇甫沔

昆明集卷之下

句吳顧起論 著

成都楊慎 編選

長洲皇甫沔 評點

五華寺

地遠宜長眺春深愛淨遊山連六詔靜林帶五  
華幽貝塔標中竺蓮臺住比丘迢迢化城裏臺  
氣結爲樓

同詠

皇甫沔

淑氣南中早春游物外清寺綠雙樹建山識五  
華名積霧鄰滄海餘霞似赤城沉灰如可驗浩  
劫在昆明

圓通寺

龍藏通南海螺山障北陬遙躋多寶磴獨倚巖  
花樓淨土潮連洞空林石作丘登茲玄象外何  
異望中洲

同詠

皇甫汈

緇流棲梵處不與俗情諧花雨藏春徑松風掃  
夜階欲觀一切法來叩八關齋漸覺志言好探  
遊媿詠懷

宿太華寺二首

雞山積翠深香磴幾千尋海日吞珠糾松風響  
貝林鳥棲諳白法客到狎清琴暫得昆明暇何  
妨淨夜吟

平生訪名嶽偶此愜幽歡雲起四窗暗峯多五  
月寒掃壇邀鹿女下榻對松官一卧碧蓮裏煩  
心洗涅槃

羅漢寺

寺下昆明池水西煙波寂滅擁招提淨中白馬  
談玄象徼外青蓮祀碧雞香嶺半空飛寶閣旃  
幢絕險度丹梯偶從海嶠尋真境只恐如來化

國迷

皇甫云五詩  
並稱潭藻

赴丁二守五華書院亭眺之招席上作

官亭晴眺對黔關高院平臨碧漢間列座授經  
開絳帳掃林畱客看青山國中此日還崇向門  
下何人復似顏共侍夫君多道氣從容尊俎竟

忘還

丁公領院事南  
中士師事焉

昆明池偶泛觀稼呈方伯汪公

出郊當永日度海泛清波衆壑雲霞合芳洲禾  
黍多未能諳吏事何以濟民疴但有中心愛難  
忘召伯歌

時雨初霽奉侍曹郡公登城南樓喜眺漫

呈

郡公暇日俯郊圻列座高城散霽暉采綬遙連  
蠻詔檄繡衣曾侍漢廷闈南雲萬里河山淨時

雨千村禾黍肥通國雷同歌惠政幸從卑暑沐  
光輝

遊沐公池亭作

將軍別墅卽昆池花柳千層翠障齊水榭平鋪  
青鏡裏山樓高枕碧雞西樽前歌舞歡無極岸  
上旌旗望欲迷多少閒亭空結綺勝遊無奈夕  
陽低

奉送范方伯公赴陝西

君侯遙拜雍都節西去無如蜀道難出岷花明  
斜谷憶度瀘猿嘯合江灘關中幾歲軍輪足塞  
下當秋虜陣殘聞說金城千里險龍興虎視萬  
年安

雨後憩歸化寺

停車登寶界高座對僧坊一徑松雲濕四山花  
雨香昆池金作筏化國貝爲梁暫憩無生地都

令俗慮忘

皇甫云  
聯佳

昆明歌奉送方伯汪公赴

召內卿

今上旁求海內賢我公授節領全滇心懷百憂

盡國計身在南中多歲年年來黑白夷方語  
東迤西公無取不知要譽人承明但使仁恩及  
黎庶看公體若不勝衣聆公令音清廟希萬尋  
巖石卓犖氣一片水壺太素輝浩然天地莊生  
馬道心本是悠悠者仰盼浮雲軒冕如一任平  
臺  
璽書下鳳凰城闕列仙臺 內寺平臨  
西掖開中國祗今多事日安危惟寄濟時才碧  
雞關下使車征金馬閉前父老情共願暫畱周  
召伯棠陰冉冉遍昆明昆明城池水拍天津亭  
置酒張錦筵送公望公早當軸直使八荒九徼  
之民俱晏然

聖慶習儀長春觀

長春古觀敞仙臺鷄唱平明寶殿開杳杳兩階  
幢蓋出泠泠千部珮聲來九重日麗看如電萬  
國嵩呼聽若雷南徼遙瞻天北極廷臣濟濟濟  
時才

分獻

先師廟齋夜短述呈天方伯汪公

諸公

萬國齋明夜宮牆望儼然杏壇陳俎豆芹水薦  
芳鮮韶舞金絲奏祠書玉帛鑄珮聲丹殿繞燭  
影碧霄懸叨接諸生禮慚非小相賢幸從周伯  
後祇獻素王前有事恭承者毋忘駿走虔

西壇紀事

空階珂珮響戊祭列祠官夜寂燔煙白天昏草  
霧寒黍馨羞后壤墓道陟崇壇秩秩周郊祀西  
成報德難

東壇紀事

齋居中夜坐城漏隔村聽松響寒疑雨庭燁曙  
失星明裡光百辟泰時協三靈邊豆非難潔還  
慚罔德馨

中秋夕與客偶登城南樓待月

中秋七八夕良友二三生偶集高城上南樓待  
月明浮雲鬱清漢列炬散華纓吏暇延時賞當  
杯無厭傾

中秋夜縣齋對菊

南中華菊早秋色正平分檻外懸虹月屏間宿

彩雲盈盈散清影冉冉度幽芬栗里荒三徑誰

招彭澤君

仲冬見雪

題武侯祠壁

楊慎

南雪凌晨煙霧開客愁相對轉悠悠誰家彩筆  
吟芳絮何處金歌按落梅羅漢林中來寶樹梁  
王閣上五華臺欲尋戴子乘舟去不見麻姑送  
酒來

秋夜武侯祠齋居讀壁間升菴楊太史高  
詠忽自瀘州枉書見寄因用韻奉酬

漢祠然燭夜蓮開壁上題詩詎偶哉滇國秋深

無旅鴈瀘州春早有官梅侯生已葺譚經館先生

書中期見過爲葺舊館相候也狗監能登獻賦臺海內共憐夫

子謫誰陳

明主賜環來

龍潭偶憩

龍去山形變潭空水氣消叢林堪作障怪石偶  
成橋外域南來盡中洲北望遙還聞遣中使金

馬不須招

適報中使入滇也

秋日承憲司范公留酌席上短述奉酬

脩竹滿高院清風散淨暉愛賢開下幕論政掩  
重扉堂印丹泥濕宮袍繡色緋臺端寡慕訟終  
日霽霜威

秋夜縣齋書扁獨酌偶成

吏散聊捐綬庭閒無俗譁戲操毛氏竹狂飲墨  
卿花月影時窺案鐘聲夜報衙書成舉白賞謀  
醉釋思家

秋夜金壇楊大理廬州張嘉興見過

荒庭夜色深忽枉省郎尋列炬照秋菊開衙驚

宿禽豈知滇海曲亦有故鄉音共對盈樽酒相

歡論素心

秋日侍憲伯范公僉伯蔣公都軍賀公登

螺峯作

螺磴幾千尋秋山幽復深林間掃石薜洞口聽  
潮音風鐸空中語煙蘿象外心羣公多暇興叨  
侍一登臨

九日螺峯悵然有懷故鄉龍山之會作

山高風急授衣初南國秋深木未疎頭上可憐

花照酒眼中不見雁傳書雲霞萬戶臨溟海城  
市千峯抱淨居悵望龍山今日會白雲何處是  
吾廬

秋晚偶與毛仁壽施蒲臺二明府登高作  
解帶臨丹壑移觴入翠微偶逢仙令駕共眺梵  
王巖習靜悲秋氣登高送夕暉月明山徑白幽  
坐忘言歸

雨夜縣齋偶讀王職方白雲堂留別之作  
寄懷

案上囊琴靜清齋然燭紅懸花滋暮雨池竹響  
秋風事俗羞游宦心幽苦病空白雲留偈別經  
歲杳無鴻

寄懷伯兄

萬里無端客時時憶故林吾兄讀禮處秋草北  
園深閉戶修儒行憂居養道心獨憐滇海畔漂  
泊寄孤吟

偶登螺峯結廬憩眺率爾紀事因示住僧  
偶與林僧期卓錫開靈壤雲外結孤亭軒軒坐

閒敞巖端築戶庭松下伐石響城陰帶層丘落  
照映西爽千峯睥睨間萬井峻嶒上俯矚山海  
形緬平列蒼莽客游西南荒悠然發遐想暗彼  
三車云何哉八風往皇甫云得詩人意

秋日偶登晉寧盤龍寺因訪雲公生身

秋氣正蕭索空山時獸登中峯響鐘聲高刹隱  
峻嶒雲木鳴谿鶴寒泉影澗藤石龕空性在白  
日對明鐙

薄暮獨登遐觀亭作

築室雲山尖野人興不淺懸磴隨蒼峯戶庭羅  
碧蘚下見昆池明森森沒飛巘僧歸夜堂寂犬  
吠寒城遠月出萬井淨清籟生東緬趺坐對迎  
葉煩心亦堪遣昔賢卧西林猶不廢沉湎浮生  
本無着長嘯任偃蹇

初冬登西城寄懷瀾滄周憲伯

千峯遙出女牆頭百丈朱旗覆茂樓徼外片雲  
常帶雨南中十月始知秋寂寥荒服嗟徼祿惆  
悵孤懷寄遠愁一自使君持玉節滄江何事久

淹留

歸化寺官亭詣皇甫憲伯承寄家信因感

海寇之變悵然有作

官亭亭午駐鳴騶詞賦仙郎謫宦游海市雲山  
看處美松丘香剎到門幽一身作客勞鄉思萬  
里煩君報國憂借問玉師何日至可憐烽火照  
長洲

初冬得報敝邑築城防寇承瀾滄周兵憲  
公枉書相問聊此代簡

聞道吳門未解圍千家村郭爨煙微長川白骨  
滄波冷滿地綠林豺虎肥烽火迢迢中夜夢雲  
山渺渺幾時歸故鄉消息勞相問惟有新城閉  
落暉

皇甫云二詩俱似少陵  
亂後之作而辭更婉

寄酬楊修撰

客游滇國已經年萬里攜琴早絕絃豈爲小言  
堪作賦却因奇字浪相傳獨憐雞足孤雲外遙  
憶峨眉正月圓爲寄白頭楊太史懸知直道古  
今然

螳川寓目

欸欸溪頭白鳥泠泠谷口清流短橋尋山曉起  
小舸載酒春遊

行到溪山欲斷坐看雲樹相連夾岸螳川花柳  
村深何處溫泉

溫泉

碧玉香泉清可憐洞房日日煖生煙虛疑翠水  
瑤池裏應有飛瓊謝面鈿

曹溪寺讀升菴楊太史碑文用石間韻

寺僻帶清溪谿深到欲迷水流星海下雲起雪  
山西石許高人偈林宜大士棲還憐折腰客問  
病向招提

陪曹郡公遊溫泉同宿華亭寺

溫泉時一沐向夕宿華亭共嗜香芹飯高談白  
馬經入空身已淨習靜眼俱青趺坐結遐想風  
濤深夜聽

華亭元夕同徐參軍清話

不辨雲峯路叢林僧共行翠微松月暗精舍竹

風清靈象青蓮駕空魚香積鳴傳燈今夕會相  
對法心明

早春閒居偶讀壁間成都楊太史慈谿馮  
司馬南昌萬大參諸公見寄手札賦得庭  
下蘭寄之

偶向懸庭下植茲蘭蕙林匪他多艷色奈爾猷  
幽心同臭騷人珮孤芳尼父琴遙憐衆君子相  
契比南傘

再宿太華寺

谷鳥鳴清旦山人卧白雲雲房青嶂裡海氣白  
氤氳幢影當窓落鐘聲隔澗聞老僧知懶吏下  
榻意還慙

山中曉望

一徑列松官千峯獸立看霞間海色曙嵐外樹  
聲寒積翠浮香嶺高花覆石壇化城曾宿處層  
閣杪巖端

華亭山山茶歌

鬱鬱青山樹樹花花開海國遍栖霞寶珠朶朶

懸空色丹蓋亭亭覆佛華佛華殿外飛紅雨夜  
來落花深幾許游人日高惟醉眠無奈繁華春  
欲去

陪曹郡公訪華亭山中隱者

雲峯深處少經行愛爾蕭然此避名方外贈衣  
惟毳布林僧饋餉止藜羹一丘高臥先生隱五  
馬相過翁子迎借問閑關何所事白頭手著素  
書成

送許太守省覲還號

秦嶺幾千里使君過故林河橋迎畫轄洛社散  
華簪谷口青山合關門芳草深天涯一惆悵共  
起遠離心

板橋驛送皇甫公東還

使君從謫宦落魄幾還吳過楚應逢鴈如松莫  
羨鱸高才當世忌明主此心無惆悵南中驛  
寧勞問畏途

板橋驛顧子九華贈別寄憶一首

皇甫芳

昔感驪駒賦辭君金馬關河橋相送處  
猿月共荒山烽火猶傳警田園未遂還  
梁溪如借問芳草夢魂間

答

忽枉南金賦軺車早入關停雲勞聘望時陔碧  
雞山鄉信經年到王師何日還還聞避兵者城

郭空雲間

聞松江士庶傾城避亂白下

哭施武陵

憶昔南塘別嗟君如逝川浮雲無俗累秀句有

人傳高壘生秋草空山響夜泉知音不可作長

嘆絕悲絃

奉簡皇甫僉憲

相送復相見與君如夢中翻疑蕉底鹿空弋雲  
間鴻北闕憐才異南方尚德同心事已如此  
無嗟世路窮

檳榔樹

蠻內樹檳榔春深花正芳日南憐翠蓋霜後鬱  
金房雕首同椰子鱗身似蔗王爾實能消瘴瘴

人時見將

春雪

雪候南中異西來萬里踪一寒如度夏三月忽  
成冬海以珠爲浪山將玉作峯梁王金碧界雨  
貝積花封

黑龍潭

境轉疑盤谷峯廻似石龕樹聲連急瀨山背起  
孤嵐鸚鵡巢珠刺魚龍卧碧潭夕陽歡未已歌  
吹擁歸驂

碧雞山家

人家隱碧雞雞聲出雲樹層翠結午陰繁紅變  
晴雨寂寂春山深客來敲澗戶

山中書懷

入山徃徃宿華亭一眺昆明白眼青苔口獨甘  
香積味方衣裁作水田形憂時平旦看枝日  
山  
經倭國居下枝日今避世中宵望畢星  
天文畢  
東吳爲倭奴所寇星主邊  
也豈料吳中歌舞地今來百戰草萊腥

滇水

水盡東流者真流獨向西朝朝添客淚安得到  
梁溪

柳花

陌上紛紛落因風逐客衣故園吹散處莫傍戰  
場飛

獨坐

暇日罷公事空庭無俗踪臨軒時默坐惟對兩  
三松

張明府見寄石琴率題絕句酬之

不是彈琴吏偏知山水音泠然絲石奏想見宓  
生心

雪中葵

曉來春雪霽寒雀繞花鳴叢條翻積素空砌散  
瓊英漸覺丹心露依然向日傾

月下聽猿

獸臥空齋微月明荒庭野猿啼一聲聽來魂似  
過巫峽展轉不寐羈人情

除夕

餒臘閉空齋待旦焚膏素一年驚復新雙鬢愁  
非故心事忽蹉跎流光已虛度所嗟萬里人兵  
戈阻歸路

尋碧峽山居

尋向高峽路青山幽復深流鶯時一嘯夏木起  
層陰不是仙源客花宮何處尋

碧雞關

桐花如霰落空山山裡行人早出關自嘆羈心  
千萬里停雲騁望碧鷄間

與施蒲臺過毛仁壽別墅

叢竹翠微暗孤亭曲磴通鶯酬綠蟻盡花落碧  
雞空山色連窓裡泉聲入鏡中憐君棲隱處何  
異桃川宮

同詠

施繼遠

卜築豈云遠鳴榔早晚通到門芳樹碧臨水落  
花紅遲日亭臯上遙峯畧畫中相看發長嘯宛  
在虎谿東

山鍾

杳杳起雲外，四山何處聲。漸從生境滅，還向滅中生。聽到上方寂，孤魂默夜驚。

偃卧

獸向東林宿，日高猶掩門。山中正酣睡，無奈衆禽喧。

黑林舖

百花成綺障，山程試問居。人不辨名坐，惜流光對尊酒。黑林深處聽春鶯。

同丁二守偶憇僧齋

車馬入深林，西齋響清磬。古壁曠蕭然，惟餘龍象影。憩茲山水間，聆爾道言淨。竹裡透春煙，山僧具新茗。

武定歌

武定女守也。乙卯夏余發安寧，忽於碧雞關遇焉。因書其事。

碧雞關下鳳，君過白頭紫。綬錦闌那，毘盧冠子犀。皮鞞小蠻細，馬雕鞍馱青鵲。窠白鵲窠，鵲窠夷人

帽以青白鳥毳爲之，其形如窠。毳髮半額交，雙娥前軍後軍齊。

踏歌帳裏，呷麻呼巨羅。呷麻，夷酒也。巨羅，夷之酒器也。金巨羅

銀巨羅，憑陵博貝朱顏。酖夜來野宿空山阿，月

落吹蘆渡黑河即古之黑水客子聽之淚若何

筇竹寺伏覽

聖祖高皇帝勅賜僧崇證 御製還山詩恭

述

空山筇竹古招提坐想高僧似惠師杖鉢賜

還 天語淨晨昏受戒

上心慈

勅內戒其最進昏止龍

華秘偈藏金碧貝葉真文譯

制辭

勅詩皆古篆隸傍譯

真不是 先皇柔遠切誰憐海外一沙彌

與音公曉登鳳頭山作

海面浮龍藏峯頭起鳳林層霞出谷早微雨隔  
蹊陰駐馬觀空劫逢僧說梵音西行有真趣不  
覺入山深

始夏間居忽憶京師 賜第感懷

空庭鬱衆木晝寂閉公門夏首禽聲歇雨餘荷  
氣繁坐惜芳華邁惟憐清賞存念昔游京國寄  
傲等誰論豈知王公側翻是白衣尊嗟邇事州  
縣瑣屑無朝昏耿耿心不怡束帶日煩喧微官  
况萬里迺可棄丘園既寡犬馬力復負君親

恩何當稅駕晚烽火滿中原

書田家

井稅早輸足爾心方晏如州縣知無擾田園樂  
有餘孤村耕鑿暇永晝閉蓬廬愧我勞勞者因  
之問溺沮

石真村

一望崔巍處鬱叢曲磴斜寧知石真裡別自有  
人家雲樹喧雞犬村墟掃落花殊堪此棲隱生  
事問桑麻

郊行示村老

村村秀麥暖芊芊拙政還慚游也賢閉門家食

公輸少莫使滇人訟盜田滇池中植海簪歲久成田浮於波面恒多

土人盜去論之

進耳寺

始覺雲峰近到來香逕悠踏花尋澗戶掃石宿  
林丘海色時生霧松聲晚帶秋寧知西竺裡絕  
勝內方遊

救焚口占

儲水息災木

時方伯陳公  
有儲木之令

此中如燎原焚輪龍

反滅

爾雅焚  
輪風也

不腆愧劉昆

過舊館喜友人見尋

喬木荒蓮一徑深  
掃門忽枉友生尋  
齋中撤案共長嘯  
客裡開樽還短吟  
偶愛游方非說劍  
無端作吏試鳴琴  
塵纓欲向滄洲濯  
何處扁舟返

故林

題懷雁齋

施蒲臺余同鄉賓雁里人也  
籍南中為題其齋曰懷雁

萬里五湖外  
秋風旅雁翔  
羈心愁獨夜  
歸思寄

殊方雲外驚孤影  
天涯憶侶行  
緘書遙待汝  
無柰阻衡陽

謝涓野張中丞

行邊幃幄運沉機  
王佐之才世所稀  
露布赤書標漢德  
夜郎清道避天威  
龍門留客彈珠缺  
棘院陳兵統壁衣  
重鎮自煩張燕國  
幾旬持節遠人歸

適安宣慰歸款留貴陽數  
旬此國朝來未有也

謝南溪石將軍

萬里風霆迅  
將軍早挿貂  
豹韜吞二起  
雄節按

三苗寨接巴川淨山藏鬼國遙看君雙燕額不  
數漢班超

西寺觀休上人畫壁中有一像宛然鹿園  
公意氣也悵書絕句

金碧為泥王作神儼然空梵古天親故人意氣  
如相對詎是生前無着身

訓萬少叅惠筇竹杖

使君筇竹惠遠向渭川濱豈但堪扶老還能伴  
隱淪過眉簡子長執手此君親伏尔孤根力空

持羅漢身

一名羅漢竹

奉訓江右高方伯萬大叅萬少叅關中楊

大叅諸公見招作

江右今三輔關西舊五公萬山青漢上一省紫  
薇中奕酒朋言洽文儒意氣同共憐孤旅者惟  
有阮生窮

再宿武陵

時愛潭間宿清流月色新林深無滯暑花落非  
前春興與雲山狎歸將蘿辭親只愁源上去無

處問迷津

登岳陽樓

息駕巴陵道南樓見洞連層闌接河漢孤檻闔  
雷霆水薄三湘白天空二楚青試騁東吳目潛  
然涕泗零

江驛聞海上之警

漂泊三江口艱危萬里身驟聞戎馬事試問故  
園人陣破海聲苦城空野燒新凱音勞佇聽涕  
泗欲沾巾

泊嘉魚

古縣嘉魚市青山帶楚東鄉書千里外歸計一  
帆中江樹平蕪沒夏雲燒遠峰所期殘暑滯五  
兩信南風

登黃鶴樓作

崔顥題詩處高樓今古名烟波江夏棹樹色漢  
陽城失路悲秋氣憑軒逆旅情只愁防海事對  
虎日縱橫

愁

海戍今多事，田園戰鬪中。  
孤舟何處返，野泊任西東。

登黃州定惠院山亭

高臺默眺一悲歌，惆悵空山楚客過。  
不見前朝賢太守，惟餘雲樹渺蒼波。

晚過廬山東嶺作

崔嵬陟東嶺，湖口見落日。  
夾路清流響，孤村白烟滅。  
涼颼吹山田，稻香散煩熱。  
行來林壑深，鍾聲翠微出。  
寺在虎谿甲，何處松門入。

宿東林寺

東西林外虎谿通，默向荒山謁遠公。  
講院夜聞清磬發，影堂時與白雲逢。  
經翻古榻然燈處，客卧高齋流水中。  
見說三賢遺事勝，令人一嘯四禪空。

曉登廬山承九江張太守設酒寄謝

夜宿遠公寺，朝躋匡廬岑。  
叢林鬱蒼翠，秋氣悲蕭森。  
風泉喧澗道，石梁度高深。  
猿梯逼霄漢，合沓凌千尋。  
數里時一憩，巘亭結層陰。  
下俯河漢

流扶搖萬里心茲游暢情素淪宰惠好音忽枉  
白衣至陶然一醉吟

登昇仙臺憇佛手巖偶宿竹林寺作

岩荒昇仙臺高出衆峰表遠睇瀕彌尖邇視江  
漢小白雲淨高秋千里末可了淪城雪浪明彭  
澤晴霞燒不見昔人歸惆悵幽懷情巖端伽葉  
跡疊石懸空渺洞門帶寒流經行出林杪縈迴  
邁飛巘微徑鬱叢篠淨是絕煩喧落日聞猿鳥  
盤游適幽興偶憩竹林好且徇陶令飲寧令遠

公誦不覺滯遂鞅孤屐碧山曉

文殊臺

在廬山  
天池寺

空病問文殊清齋對辟支香雲連塔院華雨接  
天池鳥影千峰絕泉聲四壑悲言將此棲寂惠  
遠即吾師

西林寺

東西蘭若並左右竹林連身塔青蓮化心燈白  
象然溪陰催薄暮山霽起孤煙歎愛香爐色時

時窓裡懸

山齋對  
香爐峯

謁天池老禪

天池大士無梵名從說開山坐化城淨念祇隨  
龍鉢住跏趺不下虎谿行床頭卓錫千峰窻  
裡然燈一境明怪爾長眉垂兩角蘆芽早向膝  
間生

書舊寓

昔從萬里去今從萬里歸幾經曾宿處青眼主  
人非

湓口阻風

孤帆計日下湓州風志高江正怒流中夜灘聲  
喧伏枕孤村樹色隱維舟愁看白浪三巴阻悔  
出青山萬里游始信畏途行役者何如偃蹇卧  
林丘

吊西陵甘將軍墓

吳國甘興霸青山樹墓銘長驅百騎出老子一  
軍竊東楚此血食西陵舊德并悠悠江漢裡千  
載慕英聲

湖口登鍾巖寺絕嶺懸聆音詩為余友王

職方所書因寄此懷

古寺鐘巖下冷然谷口音君來默聽後余此亦  
登臨渺渺江湖遠蒼蒼雲樹深孤懷何處意惆  
悵淚盈襟

阻風宿湖口

彭蠡當湖口寒流中夜聞亭亭出谷月漠漠抱  
峰雲燈火魚梁影舟航旋泊群波濤千萬里鄉  
淚復誰云

中秋月

東望雲衢香輦來當空玉女勸金杯河邊鷓鴣  
迢迢沒海畔矍房一一附桂魄碧霄飛作殿珠  
胎彩霧結成臺寧令此夕清輝未莫遣霓裳拂  
曙迴

歸懷

游遠蹉跎四十春鏡中白髮幾茲新年年征戍  
他鄉夢渺渺江湖逆旅身梅福一官非所適陶  
潛三徑未為貧歸來且向隴中卧先子畚田尚  
足耕

登九華山宿化城因寄池州太守周十

四韻

息駕玩華亭延佇五溪口蒼徑入雲門清流瀉

其右山深到處迷寺遠經行久雲間白塔雙天

畔青蓮九石髮帶牛頭山有石牛峰霞冠子首七子

也香刹觀諸天齋鍾響中晝已降煩惱猿且嗜

聲聞酒一榻卧西林孤燈懸北牖霜柯拂女幢

山有木名夕鳥教仙白山有鳥名窈寂芭蕉身

蕭蕭楊柳肘偶謁青陽公因識化城叟再咏白

香林還聽翠微鍾峰下依然長史官犬吠溪橋

搖落後僧歸山市寂窠公門漚漚寒流響谷

口蒼蒼暮靄通遙憶故人遂避亂幽期難與白

雲同

寄題精舍

偶築精廬早開關樓臺深靜白雲間歲書歲久

芸扉濕問字人稀碧蘚斑溪上空林巢白鳥窠

聞高榻見青山山中此日堪棲隱却喜幽人未

復還

溪橋寄懷

數家砧杵響城隈一棹清溪載酒來橋外天連  
秋水淨濠西樓向夕陽開蕭條亂堞蒼山尚推  
落空原古木摧忽往孤雲初雁下故人應寄北  
書回

寄謝鴻山華學士

垂棘明才世所憐况君復是茂陵賢焚魚手著  
蠶居賦抱牘躬耕負郭日憂國散金訓壯志避  
人披褐祗高眠都忘昔日瀛洲事三徑蕭條共  
也詩永懷牧之守地主却如儂山人或非走不  
遠更招尋君能同至否

宿山早發

殘月半巘白空林微靄清雞聲雲裡出僧影水  
中行千嶂聽來寂一燈隨處明回看翠微色漸  
覺早霞生

過青陽承陳明府移酌因宿我嶺寄此

古縣九峰裡青陽墟里繁空庭當白晝高榻對  
清樽明府能投轄鄙人解候門別來我嶺宿中

夜憶陳蕃

鸚鵡偈

余選自南中後有鸚鵡惠性能言至彭澤宿觀音山一旦幻化若

果解者為空而作偈

羽化雞山西來萬里念念是佛鳴鳴名已經行  
南無一朝嘿語頂分青蓮口吐珠涎踏空个掌  
冥悟如禪無不物物不無言言涅槃彼呀往輪  
大千幻觀水月不衆生滅淨海一花脩林六葉  
無量逍遙捨鼠超劫

薄暮還山登白雲堂懷王二職方

晏然

五華書院庠生段雲鴻

徐相

孟尚義

李應南等校刻

昆明集卷下終